

FÉLAGSMÁLARÁÐUNEYTIÐ
Málað. 02.13.02.
03. NÖV. 2020
ÁhætluMS
Málsnr. FRN 20080091



Félagsmálaráðuneytið
Skógarhlið 6
105 REYKJAVÍK

Reykjavík, 29. október 2020
Tilvísun: 2020102688/GIÁ

Efni: Umsögn Persónuverndar um drög að reglugerð um hlutdeildarlán

Persónuvernd vísar til draga að reglugerð um hlutdeildarlán sem félagsmálaráðuneytið birti í samráðsgáttinni þann 6. október 2020.

Í drögum að reglugerðinni eru settar nánari reglur um úthlutun hlutdeildarlána til fyllingar laga nr. 113/2020 um hlutdeildarlán, sem breyttu lögum nr. 44/1998 um húsnæðismál.

Að mati Persónuverndar er nauðsynlegt að ráðuneytið skoði nánar þau ákvæði reglugerðardraganna er lúta að upplýsingasöfnun Húsnæðis- og mannvirkjastofnunar með hliðsjón af þeim kröfum sem lög nr. 90/2018 um persónuvernd og vinnslu persónuupplýsinga og reglugerð (ESB) 2016/679 gera við vinnslu persónuupplýsinga. Í því samhengi bendir Persónuvernd á að skýra þurfi nánar þau ákvæði er lúta að upplýsingasöfnun í tengslum við hagi umsækjenda og framtíðarhorfur þannig að vinnslan samræmist grunnkröfum persónuverndarlöggjafarinnar, m.a. hvað varðar tilgang, gagnsæi og meðalhóf.

Telur Persónuverndar því rétt að áréttu eftirfarandi atriði:

Í 6. gr. reglugerðardraganna segir meðal annars að í umsókn um hlutdeildarlán skuli tilgreina fjölskyldustærð (5. tölul.) og sérstakar þarfir umsækjanda eða fjölskyldu, ef við á (6. tölul.) Þá segir í 5. tölul. 7. gr. reglugerðardraga að meðal fylgigagna sem fylgja skuli umsókn um hlutdeildarlán, til staðfestingar á því að umsækjandi uppfylli skilyrði fyrir veitingu hlutdeildarláns, séu upplýsingar um hagi umsækjanda og framtíðarhorfur.

Samkvæmt 2. tölul. 8. gr. laga nr. 90/2018 um persónuvernd og vinnslu persónuupplýsinga skal gæta þess að persónuupplýsingar séu fengnar í skýrt tilgreindum, lögmætum og málefnalegum tilgangi og þær ekki unnar frekar í öðrum og ósamrýmanlegum tilgangi.

Að mati Persónuverndar er framangreind tilvísun í hagi og framtíðarhorfur umsækjanda skv. 5. tölul. 7. gr. reglugerðardraganna óljós og til þess fallin að valda óvissu gagnvart hinum skráðu um hvaða upplýsingar sé um að ræða. Telur Persónuvernd að hér færi betur á að tilgreindar væru í dæmaskyni þær tegundir persónuupplýsinga sem stofnunin gæti óskað eftir.

Þá segir í 9. tölul. 6. gr. reglugerðardraganna að í umsókn skuli koma fram aðrar upplýsingar sem Húsnæðis- og mannvirkjastofnun telji þörf á til að unnt sé að staðreyna að umsækjandi uppfylli skilyrði hlutdeildarlána og tilgreind eru á umsóknareyðublaði. Einnig er sambærilegt ákvæði að finna í 7. tölul. 7. gr. draganna.



Athygli er vakin á því að samkvæmt 3. tölul. 1. mgr. 8. gr. laga nr. 90/2018 skal þess gætt við alla vinnslu persónuupplýsinga að þær séu ekki umfram það sem nauðsynlegt er miðað við tilgang vinnslu. Að mati Persónuverndar er nauðsynlegt að höfð verði hliðsjón af þessum ákvæði við fyrirhugaða vinnslu persónuupplýsinga, sem og fyrnefndu ákvæði 2. tölul. 1. mgr. 8. gr. sömu laga að öflun persónuupplýsinga skuli fara fram í skýrum, lögmætum og málefnalegum tilgangi.

Ekki eru að öðru leyti gerðar athugasemdir við efni draganna. Verði frekari umsagnar óskað um einstök atriði verður hún fúslega veitt.

F.h. Persónuverndar,

Helga S. Þórhallsdóttir

Helga Sigriður Þórhallsdóttir

Vigdís Sigurðardóttir

Vigdís Sigurðardóttir